



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
OPĆINA CENTAR SARAJEVO  
OPĆINSKI NAČELNIK

---

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br: 49/06 i 51/09), i člana 69. Statuta Općine Centar-prečišćeni tekst (“Službene novine Kantona Sarajevo”, broj 23/04), Ugovora o dodjeli granta broj: 17.01.0-D1.c-1173, zaključenog između Instituta za razvoj mladih KULT i Općine Centar Sarajevo dana 18. jula 2018. godine, te na osnovu Pravilnika o kriterijima, načinu i postupku raspodjele sredstava iz preduzetničkog fonda za mlade koji se finansiraju i sufinansiraju u sklopu programa podrške razvoju biznisa mladih broj 04-49-1836/18 od 17.10.2018. godine, Općinski načelnik objavljuje

**JAVNI POZIV**  
za finansiranje biznisa mladih

Program podrške mladima u razvoju biznisa ne predstavlja samo takmičenje između projekata za novi biznis nego je usmjeren ka podsticaju mladih da sami osnivaju preduzeća ili obrt. Organizaciju ovog programa vodi Općina Centar Sarajevo na temelju ciljeva iz strateških dokumenata Općine Centar, kroz zajednički formiran Preduzetnički fond za mlade, zajedno sa Institutom za razvoj mladih KULT. Ovim programom su definisane pojedinosti u smislu uslova za učešće na takmičenju, organizacije takmičenja i načina za odabir pobjedničkih ideja, kao i sklapanje ugovora za one koji odluče krenuti s realizacijom dostavljenog poslovnog plana.

**Ko može aplicirati?**

Na konkursu mogu učestvovati mlade osobe, pojedinačno ili u grupi, koje se u momentu podnošenja prijave ne mogu okarakterisati kao preduzetnici/e i ako su to nekada bili. Prijave mogu podnijeti punoljetni mladi, s prebivalištem na području Općine Centar (minimalno 1 godinu), koji imaju poslovnu ideju i žele je realizirati kroz započinjanje vlastitog poslovnog poduhvata na području Općine Centar, te da se nalaze na evidenciji nezaposlenih JU Zavod za zapošljavanje Kantona Sarajevo. Očekuje se i ohrabruje prijavljivanje i učešće timova u kojima je oko jedne poslovne ideje okupljeno više mladih. Šansa da poslovni plan bude realizovan, uz saglasnost podnosioca plana (u slučaju da podnosilac plana ne odluči ući u realizaciju poslovnog plana), veća je ukoliko biznis plan bude imao sve relevantne i realne pokazatelje uspješnosti. Jedan tim, odnosno samostalni podnosilac, može prijaviti više poslovnih planova. Ista osoba ne može biti član dva tima, niti istovremeno prijaviti ideju kao samostalni podnosilac i biti član jednog tima.

## Ko ne može aplicirati?

Javni poziv je namjenjen podršci mladima od 18 do 35 godina starosti, te se prijave pojedinaca ili tima u kojem su osobe ispod ili iznad ove dobne granice neće uzeti u razmatranje. Nepotpune i neblagovremene prijave se neće uzimati u razmatranje.

## Kakva ideja se može obraditi kroz poslovni plan?

Ideja koja se prijavljuje mora se obraditi kao poslovni plan, ideje u svim djelatnostima osim trgovine i ugostiteljstva (izuzev originalnih ideja vezanih za turizam i domaće proizvode), pod uslovom da se realizira na području Općine Centar. Zamišljenu poslovnu ideju treba pretočiti u poslovni plan prema originalnom obrascu prijave. Poslovna ideja mora biti predata pod šifrom, a šifra s imenom i prezimenom predata posebno u zatvorenoj koverti. Odgovornost za originalnost poslovne ideje isključivo je na podnosiocu ideje.

Komisija će izvršiti vrednovanje poslovnih planova prema jedinstvenim kriterijima, a prednost će imati nezaposleni podnosioci planova kao i timski prijedlozi, ukoliko je utvrđen približan kvalitet podnesenih planova (do 5%).

Aplikanti koji budu podržani će svoj biznis po odabiru njihovog poslovnog plana morati registrovati u roku od najviše 3 mjeseca. Ukoliko ne uspiju registrovati biznis, nakon toga se uzima sljedeći aplikant sa liste prema broju bodova.

## Sadržaj prijave za sudjelovanje u javnom pozivu

Prijava mora biti potpuna i uz nju mora biti dostavljena sva dokumentacija tražena Javnim pozivom.

- a) Obrazac biznis plana (prijava)
- b) Potvrdu od JU Zavoda za zapošljavanje Kantona Sarajevo da se nalazi na evidenciji nezaposlenih, ne stariju od 30 dana
- c) Uvjerenje o prebivalištu na području općine Centar Sarajevo u kontinuitetu najmanje 1 godinu (MUP KS ili CIPS)
- d) Ovjerenu fotokopiju lične karte
- e) CV – biografija
- f) Uvjerenje o nekažnjavanju (MUP KS)

### *Prva faza*

Javni poziv je otvoren od **18.10.2018.** godine, a prijem aplikacija će se vršiti od **18.10.2018.** do **18.12.2018.** godine.

### *Druga faza*

Objava rezultata javnog poziva izvršit će se u roku od mjesec dana od završetka javnog poziva, nakon čega će se obaviti intervju i donijeti konačna odluka o izboru.

### *Treća faza*

Sklapanje ugovora s podnosiocima zahtjeva u kojima će se definirati prava i obaveze Općine Centar Sarajevo i podnosioca aplikacije.

### *Tajnost i povjerljivost plana*

Da bi se zaštitili svi podnosioci aplikacija i onemogućila zloupotreba povjerljivih informacija izloženih u poslovnim planovima, članovi Radne grupe za ocjenjivanje i zaposleni u Općini / Centar te druge osobe koje su uključene u realizaciju ovog programa obavezuju se na zaštitu povjerljivosti i tajnost.

### *Podrška Općine Centar Sarajevo*

Općina će tokom javnog poziva osigurati edukaciju za sve zainteresovane u pogledu popune obrasca aplikacije i odgovoriti na sva dodatna pitanja. Za sve potrebne i dodatne informacije, te pomoć pri izradu biznis plana, aplikanti se mogu obratiti **Službi za finansije i LER (Odsjek za LER /kancelarija 201/ Općina Centar)**. Općina Centar Sarajevo će za uspješno ocijenjene bisnis planove osigurati troškove registracije firme, dio ili u cijelosti troškove zakupnine prostora **u prvoj godini obavljanja djelatnosti**, te **dio ili u cijelosti trošak zdravstvenog i penzionog osiguranja u prvoj godini obavljanja djelatnosti**. Ukoliko poslovni plan bude uspješno ocijenjen, a podnosilac nije spreman isti sam realizirati, takav plan će se ponuditi bilo kome za realizaciju, uz dogovorenu naknadu s podnosiocem aplikacije. Općina Centar Sarajevo će podnosiocima poslovnih planova koji budu uspješno ocijenjeni uputiti na određene adrese radi podrške izvora finansiranja.

### *Ciljevi javnog poziva*

Probuditi preduzetnički duh među mladima; motivirati početnike i kreativne pojedince s inovativnim i provedivim poslovnim idejama; obuka o procesu stvaranja novih poslovnih mogućnosti; omogućiti mladima stvarno pokretanje vlastitog posla.

Kontakt: **Džanan Serdarević**

Telefon: **033/562-347**

E-mail: **dzanan.serdarevic@centar.ba**

Web: [www.centar.ba/stranica/konkursi-i-oglasii](http://www.centar.ba/stranica/konkursi-i-oglasii)

Prijave slati preporučeno na adresu:

**Općina Centar Sarajevo**

**Mis Irbina 1, 71000 Sarajevo;**

ili lično predati na protokolu Općine.

Sa naznakom na koverti:

Ne otvarati – po Javnom pozivu za finansiranje biznisa mladih

Preduzetnički fond za mlade

Dostavljeno:

1. Mediji

2. Služba za finansije i LER

3. Arhiva